



洪翼靖奏藁 十三

財賦類
均後

カ 1
3481
13

共十八



30

3881
18

5183
18-13

御定洪翼靖公奏藁卷之二十五目錄



財賦類

十一

均役

上

御定洪翼靖公奏藁卷之二十五 目錄

一

御定洪翼靖公奏藁卷之二十五

財賦類 十一

均役第十五 上

御製引

均役者即我先大王之大惠澤大事業也二匹而
 爲一匹十二斗而爲六斗野有康衢之民村無石壕
 之吏漠然山高而水清時則家謠而戶頌以爲萬世
 以開太平予小子監于成憲守而勿失又况公叅贊
 於立經之時彌綸於告功之後燭照而籌數綱舉而
 目張善斷如如晦料理如如劉晏千頭萬緒盡入範圍



片言隻字皆出精神後之考公世而難公才者當於此編求之矣人皆以爲征海之後舟楫鮮通魚鹽不盛一唱百和牢不可破而予則以爲山林川澤之利可公而不可私前日之受困於各宮房各衙門而蕩析化讎者咸歸一統俾得安堵質諸無疑取之固當但不及三把之艇僅直百文之箭亦在征稅之中何其過於細也且濱海營閩邑鎮之昔饒而今瘠不成官樣者蓋無滲漉之及於人而然也船不得造網不得結海不得煮率未免於野渡之橫臨淵之羨則顧安得奠居而樂業乎此非公立論之事而曾無一言

指陳何也結米之爲結錢從民願也而三百七十文定價移納之後貢之受米者中熟以上輒走均廳雖在斗直三錢之稔都民無賤售含哺之樂又况一番買賣更不出門豐歲則納歉歲則給之規徒作紙上空言勢雖使然民實可矜此非公立論之事而亦無一言指陳何也蓋嘗言之而不見於書歟抑無充代之道而故爲不言歟今於奏藁之序信筆書之如此然均役之設專尚給代雖有贏餘何所不藏宣惠各廳既管諸道分而屬之官兼數事亦何所不可而更設大衙門巋然作一空廡公之爭難於設廳豈不

爲先知之明歟

自庚午至癸酉凡二十條

庚午夏公

御將時

奏曰良役痼弊不可不更張故

殿

下周詢臣等謀及士庶此實宗社生民之福也此等大舉措必十分停當俾無後弊然後可責成效且鄉民非不重矣而都民卽是國家根本尤宜保恤矣都民以各司料布資生者過半冗官若汰則此輩舉將流散矣且上番軍則決難革罷良民之納布米者一併蠲罷而禁御軍及奴軍使之依前上番則彼此苦樂相懸恐非同仁之道矣二疋奉足者減徵一

兩以資番軍則良役所納比前爲四分之一番兵有資助之道似無不均之歎矣旣行戶布又設此法則良役軍政兩得俱便矣上曰此舉專爲軍需而變通苟利於民何事不爲而今旣罷良役設戶布則豈可別設名目更徵於民乎此則決不爲矣上曰予旣罷良役而又爲別徵則是欺吾赤子也不誠甚矣御將之言亦有意見祖宗法制粹然變改少或差誤必有大弊不可不深思矣有假令然後可爲之計大中小戶皆以小戶磨鍊似好矣每戶皆捧八錢則其數幾何禮判申晚曰人戶合爲一百七十萬每

戶八錢則錢為一百五十萬餘兩矣公曰雖大戶過一兩則太過歛之者輕蠲之者夥則誠好魚鹽則似難充經費之數矣臣朝有所達 殿下勿以臣年少而忽焉 下詢大臣更加消詳伏望晚日御將所達不無意見矣兵判李天輔曰御將有所見而縷縷陳白其為國之誠可貴矣

冬公

御將時

啓曰禁御兩營價布保米減半之代自均廳推移充給而自該營從便區劃節目啓下之意既已陳稟兩營相議別單書入之意敢啓 傳曰知道

禁御營價布保米給代節目

今因 聖教各樣身米布減半之後自均役廳兩營軍保中永減之數亦甚夥然木保減半之代以米保推移充給而充給之代及元保米減半之數以儲置等米移劃米木保換作之處多有掣碍之端就均役廳所定元數不可不從便變通應行節目條列于後○嶺南及湖西之峽邑湖南之左道海西之長山以北船路最遠依均役廳磨鍊兼作木保○湖西及沿江海邑湖南右道沿海中船路便近邑海西之長山以南京畿江原道等各邑米保中自均役廳雖作木保此則漕運便近依前仍

作米保而至於公州則上納之數多而船隻甚少
年年逋欠已成痼弊不可不變通此則換作木保
○均役廳給代兩西小米既無船運之路且不合
於軍餉臨時作錢取來自京從便或作木或買米
繼用

辛未夏公

備堂時

奏曰均役事今方董董凝聚而名色

既有各種漁鹽隱結非儲蓄而用之之物且各各分
送於給代而有二百餘同餘木則設廳猶或可也不
然而別為設廳則不可矣 上曰卿則徒知其一未
知其二矣備堂申晚曰此則不然矣雖以大同事觀

之當初何不屬之戶曹而別設一廳耶公曰然則乃
為諸各司進排之所而設廳乎晚曰設廳講究外權
屬他處則極非矣公曰若蓄積於一處而進排各司
則設廳可矣若不過分送則設廳豈非如何乎且錢
布米之分送實多名目而非一統則隨來隨散而已
初豈有儲置之意乎 上曰夏后氏任土作貢後有
弊故我國有大同法矣大同亦是惟正之貢則屬之
戶曹可也何必設惠廳乎今以均廳所捧屬之戶曹
則將為戶曹所屬之資豈不可惜乎公曰此則不然
矣錢米名數不甚多矣 上曰米錢豈皆有異名乎

公曰戶曹惠廳所用各不同均廳則乃分送有司之物若或有餘數則屬之戶兵曹無妨矣今聞兵判洪啓之言則餘數只有如干餘同云然則何可以此設廳乎上曰捧入者一百中八十上下則二十似餘而若或於二十之數有減縮則將何以爲之耶公曰聖意雖如此既以均廳封不動爲名則誰敢出用耶洪啓禧曰御將分送各該司之言則亦有意見可以分送者分送零瑣者收合給代可謂兩便雖設廳非謂聚會一處之意矣公曰凡事當執綱而爲之均廳元財若不足則分送後零數屬之戶曹以爲代充於

均廳他年不足之數似好好如此則有司之臣焉敢用乎上曰然則惠廳不緊矣公曰戶曹則捧稅納惠廳則捧徭役戶曹之不可兼行惠廳事明矣啓禧曰御將所奏與左相之意同矣公曰皆屬於本道監司策應亦無妨矣啓禧曰若收置外方而遙領則將如堤堰司矣公曰若如堤堰司則豈不好乎上曰十年之內難以忘憂矣公曰以給代餘庫爲名而屬之於賑廳使之勾管則水旱陰雨之備誰敢用之乎上曰故相李台佐所建軍作米今則守令皆容易取用矣公曰然則別作餘數數萬兩容入之庫可矣

夏 上曰結錢事如何公

備堂時

對曰已籌之矣向者

已以戶結間立柱之說仰達矣戶布難行遊布口布不論不撓民而易捧亦莫如結矣 上曰稅收米終可惜矣僉曰此關西軍餉米也儒臣韓光肇曰戶曹之作錢出於所迫非善策也公曰峽邑無船處以小米作錢沿海米賤處作米運來似好矣 上曰如卿言便歸要利矣公曰豈小米自爲錢錢自爲米而來乎此勢如東萊銀矣兵判洪啓禧曰以禁御木保爲米者則領相亦以爲好矣公曰凡可以作木保處則作木保爲便 上曰關西除番軍官欲取幾人乎啓

禧曰欲除來三千五百人此亦名正矣 上曰除番軍官爲選武軍官則選武軍官又往關西矣公曰此則只歸守令私橐取來名正矣 上曰又一條何名啓禧曰詳定米也 上曰勅來則詳定米尤不可用也公曰還耗則臣以爲決不可用也 上曰還耗守令用之乎公曰耗者歸於賑廳會減故不可用豈可以經國大計取什一之利以用乎光肇曰古者並耗無之此其本意可知耳非欲取利也爲其有雀鼠之耗故爾今若取以爲用恐涉不可御將之言固是矣公曰結卜諸宮家免稅錢則宮家不出而作者當出

然其永作宮屯田者則當與民同其稅矣 上曰此則似然矣公曰當不曰一結五錢而當捧一結二斗二斗亦五錢之數也均堂趙榮國曰結則不可重斂矣 上曰既加賦又重斂豈成事理乎公曰并州縣事臣量之無所得矣 上曰汰冗官則似好耶公曰必欲爲之罷一軍門或可有得也 上曰罷軍門則可立一柱乎僉曰不能若復五衛罷三軍門則可矣公曰結錢甚好朝廷皆無異議矣越數日 上曰果有磨鍊者耶領相金在魯進笏記曰此節目名色正而不苟簡而不繁矣公曰極好矣 上曰會錄則予

以爲是也公曰會錄誠所當爲者也 上曰結不以錢而以米則尤豈不近於加賦耶公曰民出粟米麻絲以事上乃古今之通義 國家大事必也名正米固名正故姑借其名然論其實則錢也布也均出於結米錢之間豈有加賦不加賦之別乎最是結錢之掣碍者有之陳田之應稅者必以添徵爲難矣 上曰漁鹽拔去於軍保之代者其名正大甚善矣 秋均堂趙榮國奏曰今則均廳事乃節目間事而當初自 上每慮加賦之名臣等亦慮之而今觀四道所報則邑各不同或有米者或有錢者晝思夜度而

決難通行於六道矣公禮參奏曰均廳事臣固無所知而或有大邑二斗而民足者或有二斗而難堪者通一道以六斗爲定二斗則納于均廳四斗則納于本官似好臣言偶合於趙榮國所達矣上問副校理韓光肇光肇曰全羅一道則或可行而通融行之則必不能就矣公曰以全羅道言之全州羅州等邑幅員至廣龍安等邑甚小大處便好小處不便矣榮國曰全羅道可以爲之而五道誠難矣承旨趙明鼎曰六斗之規可行於忠清而割大邑給小邑則便同移轉之規矣公曰臣意以爲如羅州則幾石龍安則

幾石其餘則屬於均廳而不必年年爲之矣上曰盡行六道則幸矣而不然則果如禮參之言矣榮國曰湖南可行而湖西亦難矣明鼎曰禮參所論似不均矣上曰承旨亦以爲不均乎禮參之意則欲試觀兩湖所爲而行之矣光肇曰江原道田結不分明矣上笑曰然故支撐矣拔江原一道而行之乎公曰六道通行則豈可獨拔也上取覽均役節目曰隱結田大同皆屬於均廳乎公曰待前頭均廳之裕足隱結還付憲廳漁稅還屬戶曹則可以名正言順矣領相金在魯曰均廳結米節目雖已啓下而猶有

未收殺者本廳堂上申晚洪鳳漢則當初雖有節目啓下後減下之 教而申晚自初與聞於均廳事洪鳳漢則畱心於此俱有所益於商確者不當減下并令姑爲仍察好矣 上曰可公曰臣等雖承仍察之命而與聞於文書則可也財用出入自有主者臣等不當參涉矣在魯曰收布軍官名甚不正渠輩亦皆認以軍役故騷擾矣公曰民者至愚而神以軍官之名收布終甚如何矣 上曰勿復言李世勣古事卿等亦知之乎

壬申夏均堂趙榮國持均役節目冊子奏曰其中結錢五錢一分條此不過貫索價人情債而於節目中磨鍊謄錄則戶首輩憑藉濫捧恐爲日後無窮之弊矣 上曰御將之意何如公對曰一分之捧不過爲雜費而載之事目實爲屑越自 朝家除之宜矣 上曰其一分除之好矣而大同之法當初則十六斗而減至十四十四而減至十二此若如大同之末後有弊則何以爲之公曰一分之減除其於惠民則甚少而已行之節目今又改之則亦似苟艱矣 上曰然矣榮國稟定北道清債漁藿條曰六鎮若已除之則吉州以北九邑皆是窮絕之鄉而所收之數亦不

多雖使不捧此亦 聖德之一端也公曰土地所出雖不捧至於漁鹽稅船則不過徵於逐末之類顧何不捧之有且不捧則不過爲守令之囊橐矣都承旨李喆輔曰北路漁鹽所收不貲且百姓甚少本無田稅之上納則今加別設亦甚可矜北兵營稅船仍舊給之自均廳勿給三百兩好矣公曰六鎮漁鹽稅勿爲上送仍畱本官以備水旱似宜矣 上曰然矣公曰以今番事觀之自 上若畱精神則事無不成若不畱精神則事將難爲自今以後尤爲畱神國事千萬伏望 上曰此事則予必欲終之故也

癸酉春公

均堂時

奏曰

殿下以爲民之至意有此設

廳之舉必思永久無弊之道然後始可垂惠於生民差出若干實員役嚴其典守間差蔭郎俾爲着實勾管之地斷不可已如其不然依大臣所奏雖合設於惠廳亦似無妨矣 上曰卿之差下均堂亦有意矣合屬於惠廳成節目以稟可也

春公

均堂時

奏曰均役廳錢條猶可支過而至於米條

則各道結役之民皆願納錢故軍門許多餉米實難推移給代若以錢直劃於軍門則又有無限弊端蓋多貿則差人從中射利而米色極爲麤雜少貿則軍

食每患乏絕而餘錢自歸浪用以此以彼憂慮罔措
卽今變通只有一策惠廳貢價從前磨鍊者嶺南則
五分內三分米一分木一分錢湖南則六分內四分
米一分木一分錢湖西則五分內四分米一分則又
爲三分二分木一分錢其他諸廳亦皆有恆定磨鍊
之規此雖非啓下事目而行之旣久便成不易之法
矣木錢則貢人雖有所利至於米則除非慘凶價不
過二三兩之間民皆失利實爲可矜自今爲始惠廳
一從元定分數而磨鍊之後米則自均廳依貢人所
願換給結錢而該廳一石本價除馱價雜費以三兩

七錢永作恆規雖米穀至賤之時不得或減若當米
貴之時則民必不願亦不強之以此定式遵行則貢
人之蒙惠旣甚不少均廳之米條亦免苟艱以此議
于大臣則大臣皆以爲便當依此成節目施行恐好
矣上曰果如卿言民之蒙惠似不少依此爲之公
曰如是定式後惠廳若以貢人之換受均廳錢謂有
所益或欲變改本磨鍊分數則別般論責之意前頭
節目中措辭添入好矣上曰可公曰賑恤廳慣於
料理均役廳自有儲錢兩廳相合慮無不至况賑廳
之從前料理有名無實不過損公財而貽民弊矣如

值凶年則以各廳舊陳米及各道各樣米推移賑濟不患不繼從今以後賑廳月課米等如干拮据者外凡係料理之事一切痛禁如或以均廳錢貨犯用料理則另加嚴繩之意添入節目似好矣 上曰可公曰漁鹽船稅定式後自均廳尚不一番摘奸事甚虛疎武郎廳閔鎔勤幹解事即為發送於各道中一道抽牲摘奸似好矣 上曰所達極是先送湖西可也

春公

均堂時

以司饗院漁夫船不可劃給事陳達

詳見貢條

春公

均堂時

奏曰均役最艱者即軍門米條區劃也蓋

禁御兩營曾前保人處所捧都數本是二萬三四千石或有裁減焉或有敗船焉又除馬價故每年入庫少或萬二三千石多或近二萬石較數十餘歲而統而計之則每年所捧當為一萬六七千石而今則無裁減之規而準數區劃未知其的當况自京區劃者尤不宜不除船價而全數充送也臣意則以為一營入庫都數宜定以一萬六七千石若其區劃則以本營餘保所捧及儲置等米限一萬一二千石屬之該營使之直捧計船價則入庫數似至近萬石而律之以八九千石又自京移送隱結米千餘石又於大同換捧米萬餘石內輸送七千餘石并為直捧之米以

準一萬六七千石之數而補縮及諸般浮費從優加
劃使之支過訓局米則給代雖少其所區處亦視此
例而分送三軍門之後均廳所餘之米未能的知爲
幾石而此便是船價條除出者而 朝家區劃本數
之外也以此或移補公用或留作本廳別下之資則
在軍門可謂年年稍豐之捧在均廳亦可便於區劃
此事雖涉煩細而分數不可不明故將與兵判訓將
往復消詳永作恆規添入節目而今年則既已磨鍊
勢難準用此法亦當從便處之矣 上曰只定軍門
入庫數甚要約依此磨鍊可也

夏左相李天輔論稟嶺南繡衣書啓 上曰日次名

目非矣右相金尚魯曰此雖非疊稅而有若朝三暮

四禁之可也 上曰爲什一則或可爲耶公均堂奏

曰此則與稅有異或以戶役或以身役而此亦皆有
弊矣雖爲什一之稅兩南各異以今觀之重臣朴文
秀所爲誤矣只於點船爲什一之稅者豈非不均乎
既爲什一之稅則通八路爲之似好矣 上曰然則
什一之稅行于諸道可也

夏公均堂奏曰各 陵寢修改時所入材瓦等物載

運時船隻分付工曹使之執捉輸運後船價則自均

御覽卷之五十五
廳從其水路遠近磨鍊上下事已載於事目其餘則無所載錄矣今此和協翁主房祭廳所用瓦子與雜物載運船隻定送事自內需司報來而此是事目之外何以爲之耶 上曰此是事目外勿施可也公曰然則勿論內司外司事目外所請之弊當更加嚴飭矣 上曰可

夏公

均堂時

奏曰諸軍門各司屯田司僕牧場各宮房永作宮屯之地各其軍門各司宮房定送監官或差人打量收稅牧場則牧官勾管納稅於本衙門故災頃有無收稅多寡地方官初不與聞而各處每謂當

年實數爲幾結云而結錢自京輸送自京輸送姑無利害之可言而本廳既無地方官所報之文書故無以憑知事之模糊姑捨勿論而 朝家設廳立法之政豈可若是苟且乎自今以後本官與牧官及各營衙門宮房監官差人眼同踏驗從實修報於收租案之意嚴立科條事添入節目似好矣 上曰可

夏公

均堂時

奏曰見湖西摘奸均役郎廳報狀則以爲唐津縣有新結防口簾九庫皆以四十餘把柵簾橫絕漁路不設柵桶而設扈桶故不謂之箭而稱以防口簾本縣以新加現報于巡營以其漁利之不多勿

令錄案而其利不下於注朴云注朴卽所謂藁索網也。以藁索爲網而亦以利不下於漁箭分三等定稅最下等卽一兩也。今此枉簾比藁索網所見猶勝而置之勿論則民必趨於防簾而廢其漁箭且防簾之稅既有於嶺南而獨無於湖西未免斑駁。依注朴例略爲定稅似宜以此分付道臣使之更加詳察其漁稅豐薄論列啓聞而他道亦一體分付似宜矣。上曰可。

夏公

均堂時

奏曰結錢乃是田賦所出其重與稅大同無間。漁鹽船稅選武軍官布上納期限亦明載事目

而金川郡庚午條隱餘結作錢今至三年終不上送辛未條軍官布亦多未收發關監營查問委折則前前郡守在任時以其當納三百六十兩移防民役謂當推徵於由吏而由吏身死無處責出云上納錢穀之防給民役已不成說由吏處推徵之說尤極駭然興陽縣壬申秋漁鹽稅錢未收者甚多故亦爲詳問委折則前官不令色吏上納出給所親人中間幻弄以致此弊云莫重上納之物中間防換極爲驚駭若不嚴懲則後弊難防。金川前前郡守興陽前縣監令本道現告拿問嚴處其未收之數仍令各其監營勾

管催促期於準捧清安縣辛未結錢亦多未收事甚
駭然該邑守令因他事今方就理以此添問目勘處
似好矣 上曰防換防納事甚寒心令該府從重嚴
處

夏公

均堂時

奏曰海西稅米比他道加捧三斗五升然
比之三南田政則稍歇而軍額最多名目難充嶺東
則以人募事民力盡而畿民以南漢事至於難保之
境矣 上曰江都之民亦然耶公曰亦然而弊不大
段至於南漢則畱守變通後城內之民不爲結役所
屬隣邑皆當城內之役呼冤甚多矣臣意則城內與

鄰邑前頭守城則一般五錢結役一例捧之可也且

廣楊之地皆兩班之田小民則不過賭地之類矣

夏公

均堂時

奏曰近聞嶺南巨濟熊川固城三邑前後
守令地土私船稅每把定稅一兩而加捧者又至四
五錢其餘桶船廣船櫓船挾船行商船中濫稅亦皆
如此蓋諸船大小不一故變幻操縱以致濫捧漁場
之稅皆過於定式之外率歸私用下吏之因緣徵索
無復限節罷衙門宮房折受而並屬均廳者 聖意
宜出於爲海民除害而官吏則不體 德意反肆橫
斂者已極駭然其中尤可痛者鹽盆還起及新起者

不爲錄報於均廳稱以私益循例徵稅歸之私用畢
竟人言喧藉之後恐或現露未載案之益勒并毀破
要掩私稅之迹使小民費財營益公然失業日次則
均稅使所許不過至賤雜魚之屬而乃反憑藉日次
之名以稀貴之魚鮓折定代捧以充其慾情債公行
民怨朋興如此放恣無忌憚之類若不嚴加懲勵何
以信朝令而慰遐民乎臣之所聞既非卽其地廉察
故不敢直請其罪而道臣若一番行查則可以捉得
其真贓以此意分付本道道臣嚴覈啓聞後稟處斷
不可已矣 上曰聞涉無狀令該道嚴查申聞若不

詳查道臣亦豈無飭一體嚴飭

夏公

均堂時

奏曰湖西伯以各邑雜役米事頃又狀聞

已下均廳此事不可率易覆奏蓋各邑雜役條 朝

家不可與知所謂三斗之法不可不罷若罷三斗之

法則均廳區劃尤無可論矣 上曰此事前後委折

更陳之公曰各邑雜役米本來所捧邑各不同或捧

五六斗或捧三四斗矣均役結米分定之後其時監

司李益輔以爲民役中雜役條大均節之然後始定

二斗結米則民力可紓往復均堂洪啓禧雜役米皆

定三斗而成節目啓下使之哀多益寡推移支用此

後漢書卷之五十五
所以會錄劃給之出也其後因均堂趙榮國金尙星
之陳達自 上俯詢大臣後所謂會錄劃給等規并
爲勿施而只三斗之法姑勿革罷時監司金時榮以
爲若令加徵於三斗之外則民必騷擾若不加徵則
邑將難支屢次狀聞請其依前劃給廟議皆以爲三
斗之法撓改可惜至於劃給一欵左相不無勉從之
意右相頗持難矣 上曰守令雜役米非朝家所知
且此是他道所無之事罷不罷宜付於道臣旣曰啓
下公事今若加徵則便是朝家欺民令廟堂更稟而
今年姑不得加捧則劃給之請似當許施矣公曰昨

年所劃乃是九千兩不可以此爲例姑以三千兩許
給似好矣 上曰可

夏公

均堂時

奏曰京江船稅三津別將收聚成陳省上

送事稟定矣都捧上納之際雜費自當依畿邑例磨
鍊而江上異於外邑程道甚近馱價不必會減於元
數中以雜費條中推移取用爲便以此添入節目似
好矣 上曰可

秋公

釐正堂上時

奏曰均役事目已成臣方持來矣 上

命公讀奏至隱餘結事 上曰凡事必也正名隱餘
結之屬均廳終非正名也棄之若何公曰臣意亦如

此而若依折受例以隱餘結為均廳免稅則可免名不正之歎矣 上曰既作免稅之後若有盈縮則均廳必大敗此後使之加減不得可也公曰都監御廳皆有免稅船禁營亦依兩營例給之乎 上曰可公曰事目當作為冊子刊行矣 上曰然公曰惠廳稅作木今則全屬均廳前儲者久陳則當無用其數當為百同并移送均廳自均廳送價惠廳則兩處俱便矣 上曰可

均役事目撮要

壬申元事目癸酉追事目并為抄錄

一曰設廳設衙門於舊守禦廳名曰均役廳○都

提調三公例兼提調惠廳提調一體主管戶曹判書亦為例兼○郎廳一員加差與常賑郎廳并以均役郎廳啓下均常賑三廳通融兼察郎廳三員初以武臣差出合廳後以蔭差出○筭員一員加差與常賑廳筭員同

察三廳

二曰結米西北兩道外就六道田結每結收米二斗或錢五錢海邑米山邑錢後因各道所報勿論山海邑一并納錢○各樣免稅及復戶田結一體收捧惟公廨鄉校祠院寺刹基址免稅不捧○米條船馬價錢條刷價元數中計減○捧錢時雜費每一兩捧二分一

分用來往一分用京司捧米用大同斛子色米用
三合容入器

三曰餘結後因傳教改稱免稅結各邑時起田結之落漏於

收租者謂之餘結關北外七道自庚午條為始輸

納本廳○隱餘結從其結數作為免稅并與大同

及各稅而屬之均廳無敢折受於他處○八道免

稅結數京畿九百七十九結九十六負八束忠清

道一千四百七十七結九十四負七束全羅道九

百九十三結六十六負六束慶尙道六千四百六

十二結九負八束黃海道四千九百五十三結十

負九束江原道八百八十四結九十一負三束平

安道七千十五結七十二負五束合二萬二千七

百六十七結四十二負六束每年執結依宮房免

稅例施行○每結田稅大同三手糧結米條元田

畝摠數下別為載錄大小米太錢木布及雜費一

依元田畝例舉行

四曰軍官號以選武以非士族非有蔭閑散中可

惜於軍保者流抄擇以定年十五以上入屬過六

十則除案○額數京畿關東各二千人海西三千

五百人湖西四千人湖南六千人嶺南七千人而

後漢書卷之五十三
卷之三十三
平時則勿責立番參操只收一疋布有事則各該
守令團束以備防守○一年一次別爲試才通一
道居首者直付殿試之次一人直付會試免當年
布又之次五人只免當年布在喪則減兩年布
五曰移劃儲置米一萬石內嶺南二千一百石湖
南四千四百石湖西三千五百石○營需米一千
石內嶺南一百石湖南四百石湖西五百石○月
令米一百七十五石四斗八升二合七夕內嶺南
廳二十石湖西廳六石二斗京畿廳一百四十九
石二斗八升二合七夕○稅作木一百同內嶺南

六十一同三十六疋湖南二同二疋湖西二十六
同十八疋關東布九同四十四疋而每年江原廳
布數十同移來後以錢計報

六曰減革兵曹騎步兵九萬九千七百七十一名
舊作八番十六朔而一周四歲而三周爲四歲六
疋之役今作六番十二朔而一周與他軍保同爲
一疋之役又減上番之數若因舊制則一年給代
當爲一千四百九十六同二十九疋而改定式後
給代當爲九百七十九同九疋二十尺○別騎兵
一千五百名舊八番今六番如騎兵之制給代當

御營廳卷之五十五
卷之五十五
爲十五同○騎兵上番時例收三保之布以給而今於減疋後三保所收只是三疋更定加保三名合布六疋自各該邑捧上以給後上納中計減○訓鍊都監減砲保硫黃軍吹鐵軍鐵峴鎮軍合九百七十名罷作餘保捧木十九疋以補給代○禁衛營減別破陣保硫黃軍吹鐵軍工匠保葛山屯募軍合四百七十一名罷作餘保捧木九疋以補給代米保二萬九千六百二十八名換作木保○御營廳減別破陣保硫黃軍輜重軍輜重軍官保資保吹鐵軍屯募軍屯牙兵合

一千五百三十五名罷作餘保捧木三十疋以補給代米保二萬八千九百七十九名換作木保○司饗院諸員減一百十五名司僕寺鄉居諸員減二百五十三名議政府鄉居差備書吏減二十五名中樞府鄉居差備書吏減二十五名吏曹雷曹書吏減九十名工曹鄉居匠人減九百五十名軍器寺鄉居別破陣保減二百名校書館鄉居唱準減一百七十名匠人減七名戶曹水夫減八十八名惠民署外醫女保減八十名并作餘保捧木四十疋以補該衙門給代○慶尙左

道之甘浦漆浦丑山浦右道之永登浦尙州浦曲浦豐德浦七鎮永爲革罷七鎮水軍合九千二百六十九名作良餘保四千六百三十五名移屬禁營捧米一千八百五十四石四千六百三十四名移屬御營捧米一千八百五十三石九斗以補給代○慶尙監營炭軍一百三十四名營庫募軍一百七十四名工房格軍一百三十名雇馬格軍一百二十八名雇馬助役軍十名雇馬募軍二十名架山山城馬軍三百三十三名馬軍保三百三十三名○右兵營親兵八百四十一名親兵保五十

一名知穀官標下軍四名單丁軍二十五名貿皮軍三十五名魚膠軍七十名雇馬募軍二十七名虞候營匠人十八名修理募軍十七名○統營差備軍并保五十名守堞別牙兵二百四十一名城丁軍四百四十名唐串募軍五十四名蟾津募軍四名三島募軍四百八十七名砲糧倉募軍九名三浪倉募軍五名軍倉募軍二名○左水營把任末保并保八十名差備軍並保十七名半○釜山鎮把任末保并保十名半○忠清兵營藥漢九名匠人十一名○黃海兵營別砲手六百名管餉餼

德安府志卷之五
鐵匠戶格并六名甕匠戶格并三百名水鐵匠戶格并八百名生鐵匠戶格并一百四十名沙器匠戶格并三百名冶匠戶格并七十名○長壽山城部將一百人善放砲手一百二十名○全羅兵營募軍三百二十八名○右水營募軍浦人六十名紙砧軍六十七名合六千七百二十八名并罷作良餘保仍屬各該營鎮使之充補於減布未給代之數

七日需用諸 陵寢修改材瓦及各衙門柴草甕子等船運貫價酌量上下○本廳廨宇倉庫隨毀

隨補者郎廳論稟後上下○免稅田結所納斛加升條會錄元穀以爲補縮之資作紙價捧畱別下庫以補廳用紙地等凡需役價付之員役俾爲雇人應役之地

八日會錄平安監營木三十同別餉四百同外磨鍊兵營木

二十同戊寅定式別備外磨鍊○黃海監營木二十同兵營

木十同○忠清監營租七百石全羅監營租五百

石慶尙監營租四千石糶糶時折米收捧○三局納米五

百石合米五百石租二千二百石木八十同以上各道逐年會錄而米租則報本廳折半糶糶給代不足

則量宜取來 ○軍作米十萬石內京畿二千石湖西二萬石嶺南五萬石湖南二萬八千石及檢營米五千八百五十石七斗以上各道每年折半糶糶取耗設有給代不足取用之事元數則勿為犯用年年取耗之數與元數相當則報本廳隨便發賣以錢會錄 ○結役捧錢則給代之米無以充數惠廳貢價米自本廳從自願略略移捧以錢移下而通一年限以十分一則米為一萬三四千石以此添報而一石之價定以三兩七錢無得加減歉歲則貢人必不願受切勿強行 ○各軍門米條給代改

磨鍊後餘米以錢折計則大略為一萬五千兩三分二還會錄其一依空剩米例名之以別下作為諸般需用之地

九日海稅京江船隻分授四津 松坡漢江 露梁楊花 別將勾

管京外船隻每年頒給新掌標舊掌標還收各處往來船隻有掌標則勿侵無掌標則船隻及卜物屬公 ○船隻上板刻某邑某人某等幾把船造均字烙印如無字印而行商則自其地方官船隻屬公船主刑配新造船隻則呈本官定等數錄案後刻字烙印并如例 ○鹽盆毀破及新設者告官摘

奸枚報如船隻例○各邑各樣稅上納時一依稅案所錄修成冊上送而有頃者懸註新查者添錄○各道船隻大小皆以把數量定十尺為一把八尺以上雖未滿十尺亦稱一把七尺九寸以下勿計五尺為半把三尺以上雖未滿五尺亦稱半把二尺九寸以下勿計○京畿船隻地土行商稅并計六把以上為大船多者二十五兩或二五把半至四把為中船能行商者七十八兩三把半至三把為小船十兩或六七兩不能行商者四五兩二把半至二把為小小船多者五兩少者二一把半以下為小小艇二兩或一兩少者三兩

地土行商不齊而或有不能行商者故不得硬定其稅有此多寡之參差唐道里大船

二十兩中船十五兩小船十兩或八兩宣惠廳屬

兩南地土船十二兩有漕運之役故比他減定○松都柴船大

船五兩中船三兩小船二兩○江華私汲水船一

兩五錢○海西船隻地土行商稅并計六把以上為大船

二十兩五把半至四把為中船十五兩黃州商販之利長連

三隻之網利比他稍優故定為二十兩三把半至三把為小船十兩

龍媒四隻載寧三隻信川一二把半至二把為小

小船六兩其中體小利低者一把半以下為小小

艇二兩或三兩豐川桴船四兩進上船及私津船

則大船減定以中船稅中船以下皆倣此例○湖

西船隻杉船則除船頭船尾自第一間駕龍木從杉尺量其長而廣則從船腰最闊處尺量

商稅并計八把以上為一等三十兩七把半為二

等二十五兩七把為三等二十兩六把半為四等

十八兩六把為五等十六兩五把半為六等十四

兩五把為七等十一兩四把半為八等八兩四把

為九等五兩三把半為十等三兩三把至二把半

為小小船一兩柴船一等三兩二等二兩三等一

兩廣船不能駕海故只定三兩看水船只用於結

箭時故定以一兩忠州清風丹陽定山扶餘等五

邑有江船稅三四兩或一二兩公州錦江船七把

以上為一等五兩六把以上為二等四兩五把以

上為三等三兩四把以上為四等二兩三把以上

為五等一兩未滿三把者不為定稅○湖南船隻

地土行商稅并計六把半以上為大船一等三十兩二等

二十六兩三等二十三兩六把至四把半為中船

一等二十兩二等十七兩三等十四兩四把至二

把半為小船一等十一兩二等八兩三等五兩二

把以下為小小船三四兩或一二兩柴船廣船看

水等船同而至於汲水農土看養假倭船并只捧

地土稅行商稅勿論○嶺南船隻杉船櫓船廣船則去船頭船尾

一間從杉而尺量桶船則無可去頭尾尺量底板而去半把地土稅杉船三把

三兩桶船三把二兩五錢櫓船三把二兩自一把至十把

并用江船十六把以上為大廣船六兩十三把至

十五把為次大廣船五兩十把至十二把為中廣

船四兩七把至九把為次中廣船三兩四把至六

把為小廣船二兩三把以下為小小廣船一兩挾

船無論把數皆定一兩漁艇三把為中漁艇一兩

二把以下為小漁艇五錢行商稅杉船三把五兩

三把半以上倍於地土稅二把半以下只於青魚

大口節捧二兩桶船與杉船二把半以下同櫓船

廣船若行商則與地土稅同○關東船隻杉船水上船則

去船頭船尾一間從杉而尺量桶船則無可去頭尾尺量底板而去半把杉船三把三

兩桶船三把二兩五錢自一把至十把并用此例江船十把至

十二把為中水上船四兩七把至九把為次中水

上船三兩四把至六把為小水上船二兩一把至

三把為小小水上船一兩四把以上為中漁艇一

兩三把以下為小漁艇五錢挾船無論把數皆定

一兩行商稅杉船三把五兩三把半以上則倍於

地土稅桶船行商者稅與地土同○關北船隻杉

船十兩丫尚八兩耳船五兩小耳船二兩商船點

船二稅既無常數數亦不多通計一年所捧報本

廳後折半上納折半仍屬本道○關西船隻一把從

定一把船一兩十把船十兩餘皆此○京畿鹽盆則前

每盆捧鹽一二石或三四石今則鹽每石折錢一

兩五錢或一兩二錢五分并計雜費加減定稅

大釜十二兩或八九兩中釜四五兩小釜一二兩

南陽鹽井不以每釜定稅只以大井四兩中井二

兩小井一兩小小井六錢廣州鹽井無分等每井

二兩○海西鹽盆觀其鹽場之豐薄量其大盆十

六兩中盆十二兩小盆八兩信川白翎鎮鹽盆極

業不專故依挾挾盆及加挾盆四兩○湖西鹽盆

鹽利不係盆之大小而在於鹽田之膏瘠膏而廣

則利厚瘠而狹則利薄以鹽田膏瘠分為八等定

稅膏一等十兩二等九兩三等八兩四等七兩瘠

一等六兩五錢二等六兩三等五兩五錢四等四

兩○湖南鹽盆有鐵盆土盆長廣周迴七把為大

亦以土之厚薄柴之貴沃溝順天靈光茂長扶安

羅州古阜鹽利最大一等二十二兩二等二十兩

三等十八兩中一等十六兩二等十四兩三等十

二兩小一等十兩二等八兩三等六兩小小等一

兩光陽靈巖柴市便近釜大一等二十兩二等十

八兩三等十六兩中一等十四兩二等十二兩三等十兩小一等八兩二等六兩三等四兩小小等

一兩康津長興樂安寶城興陽萬頃臨陂柴市不便鹽

多不大一等十八兩二等十六兩三等十四兩中一

等十二兩二等十兩三等八兩小一等六兩五錢

二等五兩三等三兩五錢小小等一兩海南珍島

咸平土薄柴艱其利不豐大一等十五兩二等十三兩三等

十一兩中一等九兩二等七兩三等六兩小一等

五兩二等四兩三等三兩小小等一兩○嶺南鹽

盆土盆之無鹽田而收拾他盆之餘滓漬水煮土鹽者曰童土盆鐵盆中至小者曰童鐵盆

盆六兩童土盆二兩鐵盆六兩童鐵盆二兩○關

東鹽盆鐵盆六兩土盆同○關北鹽盆土盆十兩

鐵盆全完六兩半破三兩文川土盆上等十五兩

中等十四兩下等十一兩下之下等七兩○關西

鹽盆大釜十兩中釜七兩小釜四兩小小釜二兩

挾釜一兩○京畿漁箭一從漁利多少定稅漁箭多者二十

四兩或二十兩十五兩少者十兩或七八兩網機

漁基漁條防簾温堞一從漁利多少定稅每處多者十三兩

或十兩八九兩少者四五兩或二三兩○海西漁

箭以下并一從漁利多少定稅土箭勿論每箭多者二十兩或十兩

少者四五兩或二三兩雜漁箭每箭稅同上青魚
 箭每箭多者二百五十兩或二百兩一百三十兩
 少者七八十兩或四五十兩網基防口簾温埃每
 處多者十兩或六兩少者二三兩或四五錢洋中
 立船揮羅箕島以東江華勾管每船多者二十兩或十五兩
 少者三四兩或一二兩○湖西漁箭量其漁利厚薄分作八等
 而其最厚而不當在八等之內者名以別一二等
 最小而不可入八等者目以邊小箭叅量定稅
 別一等四十兩或三十兩二等二十五兩或二十
 兩厚一等十八兩二等十七兩三等十六兩四等
 十五兩薄一等十四兩二等十二兩三等九兩四

等五兩邊小箭三兩注朴以葉索網環布於潮水進退處者一等
 五兩二等三兩三等一兩漁條漁基漁場立船稅
 大船八兩中船六兩小船四兩小小船二兩○湖
 南漁箭分作大中小三等餘把把樁樁桶桶水深水深二丈者為大箭二百餘把
 一丈者為中箭八十餘把半丈者為小箭大中小
 之中以獲利厚薄又分三等者為九等外箭長
 十餘把無桶者謂之小箭而利之厚薄隨處不
 同故加減定稅秋後設箭者所得不及於春夏亦
 分大中小三等定稅而大古羣山大箭一等七十
 箭三兩中小箭遞減一兩兩二等六十五兩三等六十兩中箭一等五十五
 兩二等五十兩三等四十五兩小箭一等四十兩
 二等三十五兩三等三十二兩小小箭四兩或三

兩蠓島大箭四十兩中箭三十五兩小箭三十兩
童鼓箭七兩或五六兩小小箭四兩或三兩靈光
扶安萬頃大箭一等二十四兩二等二十一兩三
等十八兩中箭一等十五兩二等十三兩三等十
一兩小箭一等九兩二等七兩三等五兩小小箭
三四兩或一二兩茂長興德古阜沃溝大箭一等
二十兩二等十八兩三等十六兩中箭一等十四
兩二等十二兩三等十兩小箭一等八兩二等六
兩三等四兩小小箭一兩光陽順天樂安寶城興
陽康津大箭一等十五兩二等十三兩五錢三等

十二兩中箭一等十兩二等九兩三等七兩五錢
小箭一等六兩二等四兩五錢三等三兩小小箭
一兩長興靈巖海南珍島務安羅州咸平大箭一
等十一兩二等十兩三等九兩中箭一等八兩二
等七兩三等六兩小箭一等五兩二等四兩三等
三兩小小箭一兩萬頃扶安務安沃溝靈光光陽
順天茂長有防口簾蘆扈桶扈桶土箭之屬漁利
甚薄陳廢新起收稅不一一從式年稅施行漁場
法聖掌內隨其立船每隻二十二兩式蠓島掌內
隨其立船每隻二十兩式大猪項隨其立船每隻

四十兩式漁條蝟島前洋宗船一隻一百兩左右
二等二隻各九十兩三等二隻各八十兩四等二
隻各七十兩五等二隻各五十五兩六等二隻各
四十兩左七等一隻四十兩靈光等邑有縣揮網
縣邊網大罟葛網行網之屬每把四分十把為四
錢以此為準而亦有如干加減凡條場基及苔藓
海衣田隨其立船多少漁利厚薄陳廢新起收稅
不一一從式年定稅○嶺南漁條興海延日長髻
蔚山青魚場母論大中小船揮羅稅十五兩細網
五兩晉州泗川文魚場母論大中小船并各二兩

昌原江漁場五一收稅洋中舉揮羅者二十兩船主

或入他處漁場漁條捉魚則該地方收稅去處條同去處條六兩漁條防簾

上一等九十兩二等以下遞減十兩至九等為十

兩中一等九兩二等以下遞減一兩至九等為一

兩下一等九錢二等以下遞減一錢至九等為一

錢條簾私受條七兩藿田五十條為一束每一同

七兩五錢蔚山則其價懸絕故定以十兩○關東藿田每一同七

兩五錢蔚珍平海減定四兩四錢○關北文川土盆稅及德源

揮羅稅自前本邑之所以補民役者故并令折半

上納折半劃給本邑六鎮漁鹽船稅一依州倉入

上例勿為上送仍留本邑以備救民之資○關西
漁箭一等十五兩二等十二兩三等九兩四等六
兩五等五兩六等三兩七等二兩定州鰕箭
減定一兩網基
漁網一等十二兩二等八兩三等六兩四等四兩
五等三兩六等二兩七等一兩漁場立船五一稅
○免稅秩訓局船二十五隻○禁衛營船七隻○
御營廳船七隻○京畿江華船一百五十隻呂州
站船五隻江華燕子津漁磯七庫喬桐黍島漁磯
一庫南陽注乙朴嶼漁磯一庫○黃海道官私追
捕船○湖西進上採鮑船水營待變船梭船安興

鎮待變船漕運護送船○湖南進上船○嶺南統
營進上採鮑船左右沿漕船備局勾管蒜山倉運
鹽船晉州牧場運藁船統營漁條四處防簾三庫
左水營漁條一處防簾一庫○關東進上船○關
北咸興永興兩 本宮船三百二十一隻 濬源
殿扈從船一隻交濟倉船二十三隻北兵營運餉
船十六隻咸興永興兩 本宮鹽盆八十七坐○
關西牧馬看養船農土船汲水船○漁鹽船稅錢
京畿六千一百兩零○海西一萬五百兩零○湖
西一萬一千六百兩零○湖南四萬二千九百兩

零○嶺南二萬七千四百兩零○關東五千三百兩零○關北五千五百兩零○關西五千兩零
十日給代各衙門給代自當年十月望後爲始翌年四月望前準下內司奴婢減貢給代自乙亥條爲始當年十月後臘月前盡下戶曹給代當年十月至翌年六月分五等差下○軍門給代米條溯考數十餘年三軍門所捧實數執中磨鍊給代而自京區劃者必於翌年六月上下○一二軍色給代時每值閏歲則輒以閏月不給代爲言凡閏月五年爲再閏以五年三十番分排者改爲三十一

番以三十番上下者改爲三十一番上下之數以此改磨鍊○上番騎兵畱京糧米自本廳區劃其代以二軍色給代木中移施○龍虎營將校軍兵料米自本廳依軍門例區劃其代以一軍色給代木中移施○濟州入送米二百石例以貢作米區劃而貢米旣不足戶曹以船稅米充給而其數逐年不同該道監司從實數報來後以本廳各樣會錄米中會減○米條給代兵曹上番騎兵糧米每年合一千三百九十二石○龍虎營將校軍兵料米合三千六十二石六斗○訓局軍餉保給代米

二千八百石禁衛營米保給代米一萬五千九百
 四十二石御營廳米保給代米一萬五千一百三
 十石十二斗合三萬三千八百七十二石十二斗
 以儲置米營需米結米分劃諸道使之直為輸送
 於該軍門其不足之數以隱餘結米區劃○木條
 給代兵曹一軍色給代木三百七同一疋內龍虎
 營料米代木大略一百十三同十五疋零計減則
 當為一百九十四同三十六疋零料米加減有時
不同則木加減
惟係米之加減不可預
為的定隨時磨鍊次 二軍色給代木八百九十
 二同三十三疋二十尺當分六當上下而每當木

一百四十四同十七疋十三尺二寸式改磨鍊以
 準十九年七閏之數而元數中以騎兵料米代木
 八同二十九疋八尺除減則每當木一百三十五
 同三十四疋五尺二寸式過當後翌朔初上下○
 都案色一年給代木十五同內每當木二同二十
 一疋十一尺一寸式改磨鍊以準十九年七閏之
 數上下與二
軍色同 ○馬色給代木五同三十八疋○訓
 局砲保給代木七百十二同三十疋當年十月十
二月翌年二
月四月分
四等上下 ○禁衛營騎士保給代木五十七同二
四等上下 ○御營廳騎士保給代木六十一同
四等上下

四十疋四等上下如訓局例 ○戶曹屬站水夫給代木二同

二十八疋 ○掌樂院樂生樂工保給代木七十四

同二疋四等上下如訓局例 ○尚衣院諸員及針線婢奉足

給代木三同七疋 ○司饗院諸員給代木十一同

三十五疋加給木十五同當年四月 ○司僕寺諸員

給代木五十七同四十疋四等上下如訓局例 ○內醫院醫

女奉足木二同三十二疋 ○惠民署醫女奉足木

一同三十疋 ○議政府差備書吏給代木二同 ○

中樞府差備書吏給代木三同 ○吏曹留曹書吏

給代木十同十疋 ○工曹匠人保針線婢奉足給

代木七十二同四十疋四等上下如訓局例 加給木五同當年

四月 ○軍器寺匠人保給代木四同三十疋 ○繕

工監匠人保給代木十六同 ○紫門監匠人保給

代木二十疋 ○典設司員役給代木十同 ○校書

館唱準及匠人給代木三十三同二十三疋 ○造

紙署匠人保給代木一同十疋 ○內苑土木匠保

給代木二同 ○當給代木并兵曹給代木為二千

四百九十二同四十九疋二十疋 ○錢條給代宣

惠海西廳詳定米代錢二千三百五十兩 ○各道

木錢給代京畿監營撥價錢八千六百五十二兩

分六當上下雖值閏朔亦依此數隨當上下○兩湖漕軍二千二百七十八名給代以各其道選武軍官木四十五同二十八疋會減上下○慶尙道水軍三萬八千七百九十七名統營水軍八千九百九十八名全羅道水軍二萬五千六百八十名忠清道水軍七千四十九名黃海道水軍六千一百七十六名內一千二十八名統禦營屬京畿水軍三千二百三十三名以上水軍八萬九千九百三十三名給代每名錢一兩式以本道結錢中上下○安興鎮騎兵四百名釜山鎮炭軍雇軍炭匠人以上三名色二千六

百五十八名以水軍分防故數交載於防案炭射夫一百五名以上三

千一百六十三名與立防水軍有異所減木六十
三同十三疋以各其道選武軍官布給代○漁鹽
稅給代耆老所錢五百兩○宗簿寺錢二百五十
兩○成均館錢二千兩○四學錢五百兩○毓祥
宮錢五百兩○司饗院錢一千六百五十兩內百六

五十兩以魚蟹貢價移送京畿廳一千兩該院上下○各道漁鹽稅仍畱給

代秩湖南端午進上石魚卵鹽價錢一百三十七
兩六錢二分○開城府待變沉醬鹽五十石價錢
六十兩○江華府待變沉醬鹽七十石價錢八十

四兩○廣州府待變沉醬鹽七十石價錢八十四兩○永宗鎮待變沉醬鹽五十石價錢六十兩○平安道開市鹽清人例贈鹽各鎮食鹽合六百十七石三斗價錢九百二十五兩八錢勅使時所用鹽三十三石十斗六升價錢五十兩五錢六分○咸鏡道兩 本宮禁火鹽各鎮堡例給鹽三甲人口鹽清差鹽合二百九十六石價錢四百四十四兩南兵營錢二百兩北兵營錢三百兩禁錢之地折布以給○三軍門守禦廳津船每隻新造價錢一百二十兩改製價錢六十兩摠戎廳津船價錢二百兩○

奴婢貢給代見奴婢節目

雜令各樣上納期限及未收守令解由拘碍越等規式結錢依大同例月限依戶曹例免稅結諸條并依田稅例等內米一石木一疋錢一兩未收拘碍往未收米二十石木一同越一等而次次加等至三等而止拯乾米及分徵米全未收拘碍劣米依往未收例米二十石越一等而次次加等至三等而止○月限京畿米太三月晦日木錢二月晦日湖西米太三月初十日木錢三月晦日湖南米太四月初十日木錢三月晦日嶺南米太五月十

五日本錢四月晦日關東米太木錢并四月晦日
 海西米太三月初十日木錢三月晦日關西木錢
 四月晦日○選武軍官布依三局保布例等內十
 名一名未納拘碍往未收每年五分之一未納拘
 碍月限當年十月○漁鹽船稅各鎮浦一體憑考一等內十
 分一未收拘碍往五分一未收拘碍月限慶尚道
 三月七道春稅六月秋稅十二月○錢條刷價每
 二十兩每三十里以五分計減六百里外則又一
 分加計○各軍門給代不足米將為一萬四五千
 石各廳新捧米每年以一萬五千石分排酌定劃

送均廳則均廳以前年所捧貢米移報移報後雖
 有餘數仍置各廳以待來年區處雖不足亦待來
 年充報○兵曹各軍門當給都數大略二萬二千
 石區劃數又惠廳移劃新捧一萬四千石均廳免
 稅條三千石京畿廳相換賑廳米一千石右三條
 即從前已行之例而此外不足米四千石又以賑
 廳新捧中直為換用其代以三南移納貢米中計
 數還報則給代元數可以相當賑廳亦無所損以
 此遵行諸軍門許多給代不可無餘裕奴婢減貢
 代常賑耗一千石軍作耗及租折米限數三千石

每年量宜區劃相換運來別為儲蓄以為不時之需○湖南米六千石湖西米五千石嶺南米三千石京畿米一千石合以一萬五千石為入庫實數而馬價則自各其廳亦為計數劃送○各道免稅結大小米太以本色上納及作錢規式○嶺南湖南湖西海西長山以南各邑○守令或請作錢則草記論罪山郡四邑及長山以北各邑依戶曹作錢而價亦一遵詳定例南邑小米則亦許作錢京畿關東隨時作錢而價則參互戶曹惠而大米四兩或三兩五錢小米三兩五錢或三兩

太一兩七錢或一兩二錢其所加減一從豐凶行之已久作為成法此後雖值稔歲切勿過減於今此酌定之數

御定洪翼靖公奏藁卷之二十五

御定洪翼靖公奏藁卷之二十六目錄

財賦類 十二

均役 下

御定洪翼靖公奏藁卷之二十六

財賦類 十二

均役 下

自癸酉至乙酉凡四十七條

癸酉秋公

均堂時

奏曰湖南繡衣以船隻掌標勿收事

論啓蓋有分無收實有生奸之慮而但當年內即爲
收納則不無民弊臣意甲戌掌標分給於癸酉還收
於乙亥每年如此稍寬其限而過年未及納之掌標
憑藉更用於翌年則船隻屬公船主刑配事定式嚴
飭似好矣 上曰可

秋公均堂奏曰結錢勑設後勿論某田畝皆自各邑
勾管從實數報均廳而獨京驛位田則前兵判洪啓
禧陳達勿由本官兵郎踏驗報來事 允下矣詳聞
其事狀假如實結五百結則每結只收一錢後以一
百結修報均廳有若實結只是百結而準捧五錢於
每結者然事甚不當 朝家若軫念驛卒而特為許
減則容或可也 朝家所不知之事該曹何可彌綸
私減乎法制不可低仰從今以後京驛位田令本官
與兵郎眼同踏驗從實數成冊以報而若有把束遺
漏之事本官該郎並以漏結律勘斷各司位田勿論

官員踏驗處本官差人打作處并令本官勾管踏驗
漏結勘律一體施行且京驛位田從實收稅之後驛
卒似難支堪亦宜有從長軫念之道矣 上曰并依
施

冬公均堂奏曰嶺南罷防保分作禁御兩營給代保
使之作米矣近見方伯所報則以為民情皆願納木
蓋兩營嶺南元米保前此為除民弊一併作木則今
於罷防保人不可斑駁且該營利害姑捨勿論均廳
當以祛民瘼為主禁御兩營保人特許一體作木似
好矣 上曰可

冬公均堂奏曰均役廳貢米移捧節目中為慮貽害
貢人各司劃得米毋得許換事雖為定式今年則畿
農告歉市價甚踊貢人不願移納均廳米條甚苟艱
如此之時不可無弛張軍門月課米及各司請得米
一併移留於均廳以均廳錢移送而米價稍歇貢人
願納之時則更依節目施行似合事宜矣 上曰可
近來物貴必緊封使之益貴殊非從貴上下之本意
矣

冬左相李天輔奏曰臣等承 下教議于領相則以
為結錢則立法之初不可撓動身布與大同減之為
便云矣 上曰結錢京畿通一道為幾何大同減三
分之一則厥數幾何耶公均堂奏曰結錢為二萬餘
兩大同為六千餘石矣臣意以為惠則一也而身布
則斷不可蠲也大同則尤甚之次邑減給似好矣
上曰身布不可撓也一疋若減則為半疋矣公曰若
然則為二人并疋而當此歉歲田之所出可減而身
之所出則不可蠲矣 上曰然矣

冬 上曰頃日傳教承旨見之耶承旨韓光肇曰臣
亦見之而欽仰矣此 傳教添入於均廳節目中則
好矣 上曰亦好矣公均堂奏曰見此 傳教雖愚

後漢書卷之五十五 卷之五十五
夫愚婦亦必感泣 大朝既下綸音 小朝亦以數
行文字同載節目則尤好 傳教一通書出使春坊
官入 東宮似好 上曰御將此言可見爲國忠心
非御將孰能爲此言乎仍命光肇書 傳教曰今番
均廳綸音載於均廳節目卷首仍令御將奉寫而當
下教于元良元良下令亦爲載錄 上曰予於均廳
有苦心而今番綸音後可知予心矣今既有餘故能
減結錢矣公曰此則不但因有餘也將以而 聖上
本意矣 上曰此則卿言不成若不有餘則雖欲蠲
減何可得也均廳如有不足之患則亦宜取用於惠

廳矣公曰惠廳米萬石稅作木二百同年年移給均
廳更難加取矣

冬公

均堂時

奏曰均役廳給代節目既已啓下蓋非必

以移納米直爲給代也惠廳米一萬四五千石先爲
劃捧於均廳俾作給代之資仍以貢米移納者畱報
其數然後始可便於舉行當初以此仰達於筵中而
此是自本廳區處者故不入於啓下節目只欲自下
完議施行與首堂相議講定而更思之則如此永久
遵行之法不可不奉承傳舉行矣 上曰依所達施
行

甲戌春公

均堂

奏曰揮羅細網變通兩條中上款只

增稅不責納雖似便於海民而船與網或不實不能周行於漁場則比前反爲過濫而均廳減額亦甚可慮此則不可輕議下款所論姑存逐處納稅之規稍減其本稅之數不但爲均惠之政漁採之類必多興起矣依別單揮羅船減定十五兩細網船減定五兩使之逐場應稅漁利左右沿無異而東沿獨爲見漏若漁漢輩倖免猶不害爲寧失而以其無屬處故官吏及監考輩從中橫斂尤涉駭然自今爲始兩條掌標分給盈德等八邑依右沿例捧稅土鹽稅之計益

納稅終似不均以鹽田膏瘠定爲厚薄以尺量法量其長廣厚則六十尺爲一斗地薄則八十尺爲一斗地各捧一兩稅而旣屬均廳地部宮房之稅卽爲頃下昌原等七邑進上青魚網子及貫船價之收斂於陸民事體苟艱資緣爲弊自今網價各一百兩除出辰戌丑未年漁鹽錢劃給七邑格糧旣有會減米自可推移用之船隻以該邑案付船輪回應役而割給網價爲去徵斂各邑如或橫斂依事目勘罪藿田之稅以藿收捧作錢上納故官吏憑藉民無以支當皆願增稅以錢收納而不忍加稅 聖意甚勤以事目

德澤堂書卷之三
所定之稅以錢收納事定式今此餘藿不可仍屬本
邑令道臣收捧各邑從前收捧成冊上送本廳作同
定稅之意分付各邑支供甚多貽弊孔棘本廳船鹽
漁藿等稅錢中十分一許屬本邑者蓋欲爲各邑需
用而不復徵歛於海民之意也自今進上及出疆使
行求請外諸般收捧永爲革罷校院各壇祭享依陸
邑例自官備用而海物官捧革罷之後復責此等事
亦非可支之道濱海邑則以儲置米叅酌劃給統營
廣魚右兵營文魚左兵營甘藿或分定沿邑或以錢
防納必有民弊亦宜嚴禁各邑海民或有新造船則

自統水營謂以船材必出封山一一屬公云帥臣既
管封山則禁松固其職責而不問真僞專以屬公爲
主則沿海將無新造之船不但民無措手來頭之慮
亦甚無窮此後帥臣禁松之政依前申明而偷斫造
船者捉付該邑報本廳處之該營屬公一欵永爲禁
斷似好矣 上曰可

春 上曰予於均廳事不能忘矣前海伯李台重狀

辭何如公

均堂時

對曰其狀啓中所論六邑公用曾皆

專賴於隱結一自查括之後舉皆不成貌樣自朝
家宜有軫念之道而第名以隱結既查還給事體終

後漢書卷之六十一 卷二十一
涉苟艱至於關西田政既無上納異於他道固不可
援以爲例况因此而更考關西所給隱結之數則大
段不均同是營下而平壤所劃殆過七百結安州所
劃未滿百結同是江邊而理山所劃又過七百結朔
州昌城只是數結其他諸邑不均類多如此 朝家
初若不給則已既給之後何可若是斑駁乎海西諸
邑既當從便劃給關西諸邑所給之結亦不可不及
此時哀多益寡以爲均惠之道而此事重臣趙榮國
曾經均堂詳知顛末故臣亦與之相議矣左叅贊趙
榮國曰臣於年前待罪均堂時以關西各邑隱餘結

大半爲公用若盡數括屬於均廳則直西各邑將不
成貌樣不可不叅酌出給之意有所仰達自 上教
以既曰隱餘結則還給列邑事體不可令均廳以稅
收米酌定還給矣其後又因主管堂上所奏以本道
隱餘結還爲劃給云而其不均之弊誠如重臣所達
矣且海西直路責應之煩與關西無異而其中金川
平山兩邑則一自隱餘結查括之後凋殘尤甚殆難
支保云恐不可無叅酌弛張之道矣然若以隱餘結
之還給列邑爲未安則一依關西當初處分以本邑
詳定米換給亦恐無妨矣但其劃給之際固宜叅量

殘盛有所加減而金川平山兩邑則固當另加優恤而白川亦當次之矣 上曰海西既給詳定則關西亦依此例耶公曰重臣所達事體甚正海西則以詳定米區劃關西則以稅收米區劃似好矣榮國曰海西詳定米則既是惠廳所管而均廳與惠廳合爲一廳其所給代與否本廳自當量處而至於關西稅收米則係是畱儲之軍餉若逐年劃給於列邑則耗縮可慮其在重邊儲之道恐不可不以隱餘結換給而充其數矣 上曰關西以稅收米海西以詳定米代給而今聞關西則不無不均之歎云更令道臣詳細

報聞後許施可也公曰關西則初給隱結所出似不過數千石自本道從當計其數更爲分排而海西則劃給幾石乎 上曰劃給千石可也公曰令道臣依此數叅酌分排於六邑往復均廳後施行爲好矣 上曰可

春公

均堂

奏曰咸興永興兩

本宮所屬船三百二

十一隻鹽盆八十七坐 濬源殿扈從船一隻依前例免稅補用於每朔祭享及進上之需而北兵營運餉船十六隻謂之待變之備而亦不徵稅此皆自本道報備局舉行云而凡海稅既屬均廳之後其所劃

給與否事當裁稟舉行則不可以備局題辭施行矣
祭享進上事體自別邊將待變之備亦係緊重雖為
許施而每年各稅數爰成冊報本廳後自本廳依給
代例仍為劃給以示國內海稅盡管均廳之意恐合
事宜矣 上曰可

夏公均堂奏曰湖南釐正使書啓有與均堂商確稟

處之 命矣取考均稅節目則凡船隻嶺南則不為
分等只以把數定稅湖西則分九等遞減定稅湖南
則以大中小分三等而三等之內又分三等其為九
等彷彿於湖西而定稅之數比諸嶺南未免過多致

有本道偏重之說不可無量宜裁損大船一等二等
三等中船一等二等三等小船一等次次減稅二等
三等則當初定稅與兩道無異置之濟州貢馬以本
州船隻載運格糧每匹定以一石儲置米輪回會減
國內船隻皆用掌標然後可防奸弊而近來鎮防伺
候等船稱以免稅無標私行極為未安自今為始免
稅船隻亦為成給掌標各邑船隻不得不免稅者外
其餘冒名漏案之弊一切痛禁至於汲水看水船等
亦或有他邑所無之名依所請只捧地土稅行商稅
依前勿捧土箭防口簾之定稅為防避箭趨簾之弊

初非括稅之意也守令及鄉邑如或憑藉私捧則別加嚴繩網基便是箭基當初混漏甚無謂自今爲始從多少定稅以明均役之法興陽法聖漁場監色既給糧料則牛耳楸子監色之獨不給料實爲斑駁一體施行各邑漁鹽價既承傳教與嶺南一體磨鍊結戶役鄉會加斂之弊更爲嚴飭如有犯者從重勘斷似好矣 上允之

夏公

均堂時

奏曰今番湖南釐正使書啓戶結役加徵守令已爲勘處蓋結錢出後一切民役使其道臣量宜酌定如湖西雜役別爲詳定已無可言湖南亦爲

逐邑詳定京畿海西則只就過多邑略略減定成冊報均廳嶺南一二邑外元無雜役條故其時道臣亦於戶役中指揮裁定云爲守令者所當依此奉行而今以湖南守令事觀之或嫌加結役之名而移加戶役或稱補公用之需而直加結役以致自陷於罪科誠極寒心湖南如此則他道可知矣 上曰湖南守令旣已處分自當畏法矣公曰庚午均役以後勿論戶結役若有一毫加捧之事則隨其現發照律勘斷事明白知委使之初勿犯科似好矣 上曰可

夏公

惠堂時

奏曰臣曾以關東結役變通事有所陳達

聖皇

聖皇

財賦類 均役

十

則自 上有領相入侍時更稟之 教矣領相方登筵 下詢似好矣 上曰領相之意何如領相金在魯曰臣亦得見其草節目其所磨鍊皆好別無異議矣公曰結役不足錢二萬二千餘兩內從便區處幾乎充給而其中京納萬兩自京推移防納則不過費數千兩依臣頃日所奏而變通則東民目前痼弊庶可救得領相之意既無異同令道臣成節日上聞後稟處好矣 上曰可

夏公

均堂時

奏曰減布均稅實是 聖上爲民大政也

此法善成而無弊則固可以迓續景命不善成而生弊則不但止於斲傷國脉豈不大可懼哉罷日次之規頒十一之令後海民可謂太便而至於陸民則守令謂以保役之太歇間或兼定於他役故通計應役之數無異於未減之前云然則 朝家實惠無以下究而陸民偏苦甚於海民豈不寒心乎均役之前兼役之弊固可痛禁况均役之後乎今日以前犯科者有難一一查出而飭令頒下之後凡納布保人中或有兼役者則當該守令別樣嚴繩之意先爲申飭有不可已矣 上曰今聞所奏其涉寒心以此嚴飭諸道而當遣御史廉問曾前雖或有犯而令下之後即

爲頃下者固或分揀其復若前者不能嚴飭之道臣
不體朝令之守令當重繩一體嚴飭

秋公

均堂時

奏曰卽見江畱申思建所報則本府南海

之平山以上西海之箕島以內立船收載於續典而
漏於均稅使之案尙今免稅云所謂立船稅諸道通
行者而此獨幸免殊甚無謂而前後守臣之尙不覺
察亦甚未安并重推仍令時畱守參考前規定稅以
報自今年舉行似好矣 上曰可公曰本府免稅船
所收及浦居民所納者或因均稅使之裁定或經本
廳之往復者而畱守則以其無明白朝令或恐有意

外事端此蓋出於宰臣過自謹畏而一番定式事面
亦正立船稅酌定報來後本府需用之數一體磨鍊
節目啓下似好矣 上可之

乙亥夏公

釐正堂上時

奏曰金川柴場刈運次復戶三百

結旣已定數今將節目啓下矣前頭各邑若以無受
復之奴爲頃則此復戶屬之均廳自均廳從便劃給
俾滿八同之數以爲無弊刈運事亦爲定式似好矣
上曰可公曰兵曹給代數磨鍊事頃已稟定矣二軍
色都案色當依此舉行而至於撥價自有元數難以
加減不可使兵曹替當閏布此則自均廳依本數逐

當直給於畿營似好矣 上曰可

夏公均堂奏曰北伯金漢詰狀聞以為鏡城富寧清

貢魚藿之會前海戶收捧者今既革罷則責出無處
依六鎮例以船頭稅施行事為請矣兩邑從前海戶
收斂之弊既令盡罷則清差支供不可不念依六鎮
各邑例收稅元數中參酌減給似好矣 上曰可

秋公兵判奏曰今番寺奴婢減貢給代時京畿六驛

則自 上特給六百兩至判事目頃因畿伯所達四
百兩限五年加下事 命下矣數百兩加下固不難
而才判事目冊子又為加下則恐不得為一切之法

何以為之乎 上曰加下置之

秋公均堂奏曰頃因北道御史書啓文川鹽稅私捧

鄉任令均廳嚴查勘處事 命下矣發關本道詳查
以來則蓋此鹽稅當初定法時一半屬之均廳一半
屬之本官者事目至嚴今觀報來成冊則一半定式
外年年加捧其數夥然事之驚駭莫此為甚時道臣
推考前後守令指名現出拿問嚴處所犯鄉任等依
事目嚴刑定配為宜矣 上曰道臣其在飭勵之道
不可推考而止罷職守令鄉任事依所達為之

冬公均堂奏曰國內大小船隻勿論納稅免稅皆受

均廳掌標而漕船之獨無標行船事極疎虞自今爲始一體給標事定式似好矣 上曰可公曰國內漁場漁箭無論免稅與否皆關均廳而獨司饗院兩捉漁所不爲舉論蓋以進上事體之重故也臣意此雖不屬於均廳基址之從某至某載於均廳案冊然後始合於設置均廳都管海稅之 聖意也明春廚院郎出去時均廳郎一體下送漁所基址定界以來以劃付饗院之意論理載案爲宜矣 上允之公曰均廳事目頭緒浩繁今方成一抄錄以便舉行而各處給代事目則以爲自當年十月至翌年四月畢下云

云而中間未能遵行實爲惶悚此後則當給代中自四十同以下十月都下五十同以上兵曹一軍色三軍門工曹司僕寺掌樂院等衙門自十月至四月分四次上下事定式似好矣 上曰可公曰嶺南御史別單以爲本道各邑雜役條以無定式之故邑捧惟意加減民弊固有紀極一依湖南例酌定報均廳施行事爲請矣大抵湖南雜役所捧異於湖西邑各不同而以其逐邑定式之故各成恆規所納有限嶺南則不然以致民弊之如此新監司熟諳事宜各邑雜役勿論本邑直納與給價代捧隨其邑規逐邑酌定

嚴立科條成冊上送以為永久遵行之地似好矣

上曰可公曰三南監營租會錄均廳事載於事目矣均廳元無用租之事從今以後雖以租會錄而糶糴時折米收捧以備不時之需好矣 上曰可

丙子夏公

廣雷時

奏曰海西奴減貢後給代又自均廳

舉行則均廳事力實有難繼之憂且復戶既已酌定不但目下冒復之革罷前頭奸弊自此永塞則惠廳所得比前將為三千餘結每年大小米合一千石以詳定有裕邑磨鍊劃送於均廳以為添補給代之地似好矣 上可之

秋公

均堂時

奏曰頃因前前完伯趙雲達所請大臣陳

達進上價添補米一千石錢三千兩仍令革罷苟艱雜名色酌定進上保額從便磨鍊矣今見前伯閱百祥上送節目則甚為詳盡可期永久遵行而計其元數亦不無所餘前劃一千石米還收每歲末用下數爰詳報均廳有餘則會錄於本廳不足則自均廳加給事定式似好矣 上曰可

丁丑秋公

均堂時

奏曰京江船稅逐年漸減別將輩所

為極為痛駭不可不嚴懲漢江楊花前後別將及露梁別將令兵曹或軍門為先從輕重決棍後觀其前

後漢書卷之六 卷三
頭舉行勤慢更爲論罪似好矣 上曰令御營廳重
棍可也

秋公

均堂時

奏曰臣以均廳事每於筵中請罪守令亦
自知其支離而今則各邑於均廳事視之尋常慢不
舉行甚可痛駭其中結城縣監崔最本縣漁箭三十
餘處并以陳廢論報故自均廳行關本道使之摘奸
則謂以過時不爲明查只以二鹽盆一漁箭報來道
臣事誠慨然而本官則所謂三十餘箭設令真箇陳
廢新起之盆何爲見漏而不定稅乎事之寒心莫此
爲甚結城縣監拿問嚴處道臣推考警責有不可已

矣 上曰可

戊寅春公

均堂時

奏曰近來均廳之法漸弛守令全不
顧憚各樣上納舉皆愆期此多由於自下換錢料理
之致從當詳覈請罪而至於丙子條之全不納者尤
不可置而不論結錢全不納河陽光州珍島務安免
稅結錢全不納善山錦山選武布全不納固城熊川
通津堤川延豐等邑守令并拿問勘處道臣推考警
責似好矣 上曰事極駭然守令營門決杖道臣緘
辭推考可也公曰今年赴任守令勿論只丁丑在官
守令當捧現告矣 上曰然矣

秋公均堂奏曰臣於海稅事近聞自鄉傳說則各邑守令似無犯禁之事皆欲依事目舉行而但許多船箭益守令雖曰親自摘奸未能周察故頑濫之吏從中弄奸當入高稅者換置輕稅民應高役官納輕稅且春秋分納者為便民力而奸吏則春既都捧秋又加徵種種弊端逐歲滋甚云事極驚駭本廳從當隨現嚴治而其跡甚秘若非道臣之密探則難以摘發即令諸道方伯發遣勤幹褊裨抽柱查實小則自該道直治大則報本廳懲勵似不可已矣 上曰所奏誠是依為之

秋公均堂奏曰均役以後結捧戶納皆有定數而以進上添價之無出處守令輒不免冒法加徵此外名以添價各項所捧之苟且不一其端故道臣枚舉狀聞以請添價廟堂覆奏定額且加劃錢穀一年用下議令勾管於均廳自茲以後戶結無加斂之弊而均廳事目得以遵行矣今觀珍島民人之狀無乃本官或有憑藉濫捧之患而然耶若果如此則不可不查問嚴懲不但此邑他各邑必多此弊宜令方伯一一嚴查如有所犯使之狀聞雖無所犯另加嚴飭俾勿罹罪有不可已矣 上曰令道臣嚴查若有犯者隨

現狀聞此後亦當有繡衣廉問之事矣

秋公

均堂時

奏曰甲戌關東詳定釐正時蓼結役之最

重處及烟戶錢入於詳定者所當變通而以充代之

為難因其邑規而置之矣頃因左相

金尙魯

之建白有

所區劃故敢此詳陳惠廳兩南布子捧於民則與木
相等而用於京則比木為半貢物上下元分數之外
或以三疋用於一石米之代故輒歸於各處請得料
理之資不然則久置庫中仍作鼠破今以百餘同輸
送均廳使之充給於從前布給代之處計其價送于
江原廳江原廳年例劃來兩南米依三疋代一石米

之規計數仍畱其所舉行之道各廳成節目遵行則
事甚順便而本道量減之數亦足相當但本道上納
之數甚少而亦無錢條不可不以均廳各樣上納錢
取補減給之數又自本廳即為準報則京外俱便而
東民之蒙惠實大謹當以此磨鍊矣 上曰成節目
為之可也

關東結役給代節目

甲戌年關東詳定時蓼價烟役之苦重處雖或釐
正終不得大加更張者蓋緣給代之無出處一從
邑規而磨鍊矣厥後民弊猶如前日故往復本道

抄出其尤甚難支之邑兩役錢五千八百兩特爲
減罷其代以各其邑上納均廳錢仍畱分俵均廳
錢代以惠廳所捧兩南大同布五十八同劃送布
代推移充給事陳稟蒙允○兩南布子從前各司
請得皆以三疋換米一石以此論之則一百二十
同當爲米二千石今此兩南布一百二十同盡送
于均廳而其中五十八同以江原道錢執畱代仍
畱本廳六十二同代錢六千二百兩移送兩南廳
使之依賑廳一石三兩例自京從便作米則比他
道作米船價條又爲餘剩依此定式○每年均廳

當送布湖南爲四十同嶺南爲八十同以可合軍
布者各別擇捧五月前盡爲移送

冬公

均堂時

奏曰水原古稱外都監軍多民少百弊俱

生時府使金孝大雖欲殫誠釐革 朝家若不別爲
顧念則何以立效乎向因宰臣金相福陳達至免本
府結錢蓋出爲民之意而臣意則常以爲不然本府
雖是關防重地比諸楊州高陽大有間焉而楊高所
不免之役水原獨免事體如何長湍南陽亦在三鎮
之中而不無向隅之歎若或次次援減將不勝支當
國家定法貴乎一切而况本府土地多是京士大夫

與土豪之田畝結錢所免之惠未必專歸於小民而小民軍役難應之怨固自如也今若從長變通結錢則依他邑一體徵捧軍保兼役之類一并減罷仍以結錢所捧量宜給代則始可爲軍民莫大之惠而隋城亦可有祛弊蘇殘之望矣以此言于宰臣則亦以爲如此則其惠尤大云而備堂中金善行又經水原俱適入侍 下詢伏望 上曰宰臣各陳所見相福曰水原以畿輔重鎮在昔甲戌特減一疋及屬摠廳之後需米軍納六斗而畿皆兼束伍蓋需米束伍其名數兩多有難分而二之也今於諸道減疋之後水

原之軍納需米而兼束伍反爲偏苦實有向隅之歎而且水原結錢給他邑所減之代實爲冤抑故臣頃以此意陳達而自 上詢于大臣諸臣後以 特教減水原結錢洪鳳漢其時亦帶摠使而所見如今日所奏矣今若欲更捧結錢而減需米則必須善爲區劃民蒙實惠然後優恤之 聖德終始下布矣善行曰大凡束伍兼役非但水原他各邑亦如此而此乃近來軍丁甚難故各邑誘以束伍一年所費比之於收布軍一年所納則反爲倍多束伍兼役者臣常以爲可矜矣至於水原則束伍而兼需米者其數甚多

得勝錄卷之六 卷二十六
殆過三千餘石故民不能支軍容之日漸凋弊逃故
之日益增加專由於此而 朝家深念重鎮軍情至
有獨免結錢之政而結錢之不捧未必盡爲軍民之
惠蓋水原近於京故土地大半是士夫家田畝也不
捧結錢則京士夫多蒙其利而已有何大益於原居
軍民乎六道通行之役獨令水原得免既非均役之
意而又無實惠之可言臣意亦以爲今若還捧結錢
永罷東伍兼役而自均廳以其結錢所捧之數出給
需米所罷之代則始可爲莫大之惠澤而本邑之大
弊軍額之難充亦可以揀得矣 上曰果若所奏此

益下之政也然作事必慎令均廳議于廟堂節目啓
下公曰水原今年結錢以其量田自當依他例減給
而軍政變通自今年爲之然後水原之民速蒙惠澤
矣 上曰然矣

已卯秋右相李瑄奏曰廣州出鎮後加定納米軍千
餘名而兒弱黃口元無區別其所加定不可一日畱
置而其代則自當充數本府亦依他邑例一體收捧
結錢令均廳計給加定軍則革罷似好矣 上問于
公公均堂對曰當初良役減半時守禦廳元不減代
仍令出鎮山城其時守臣加定軍官以此之故廣州

之民獨不知均役實效今此變通實爲官民俱便之政矣 上曰軍官減數之代若行結錢則可以相當耶公曰以本府結錢之數足當軍官當減之額而結錢間或有蕩減則均廳自多損失而本廳旣爲均民役之地則些少損益有不可顧矣 上曰依所請施行翌月公均堂奏曰廣州結錢之捧軍官之減臣與道臣消詳往復軍官減一千八百給代定以四百三十石而軍官又或加定則非但非變通之意也廣民亦何以支堪耶宜爲嚴飭而守禦給代之規一從摠廳給代規模而爲之好矣 上曰可

秋公

均堂

奏曰咸鏡道海人等上言以爲均役應稅

外進上凡節及監兵營本官所納如前明太所捉之時稱以行狀自監營幕中分給各船初則一船所納不過五級間爲二十級今爲錢一兩一錢云而取考本廳事目則北道商船二稅一年所捧修成冊報本廳今此行狀或憑藉此條目而然乎決不可不查實稟處矣 上曰嚴查狀聞後稟處公曰臣所請查卽行狀也進上及監兵營 本宮所納亦如前云者亦甚可恠此亦一一使之查啓凡係本稅外加徵者一并論罪禁斷似宜矣 上曰可其冬公均堂奏曰北

道民上言所謂行狀收稅一欵筵稟查問矣今見道
臣查啓則行狀則商船往來時收稅者而辛未年道
臣李喆輔狀聞自均廳許施云而國內稅船非均廳
掌標不得施行則北營之以行狀施行有違立法本
意行狀成給之規永爲革罷爲好矣 上曰可

冬 上曰聞卿往見沿海可謂血忱矣第先言均廳
事可也公均堂奏曰右沿則臣果盡見左沿則以路
遠未及盡見而以兩布減半民皆誦 聖德但以破
傷船隻之不卽頃給爲寃矣

冬公惠堂奏曰兩湖船隻分爲九等而每等遞減多

或四五兩假令其尺數不足於一等有餘於二等者
入於二等則僥幸甚矣入於一等則寃痛大矣三等
以下至九等皆如此故巧僞滋多弊端無窮臣採探
民情則最上最下之稅自有定數而中間遞減之規
不必拘於九等先計其高廣長又量其容載之數酌
量定稅則民情可便弊端可祛云以此分付道臣深
度便否往復本廳改定式似好矣 上允之

庚辰夏 上俯詢守禦使鄭翬良所奏守禦廳軍物
庫及旗幟等屬修改物力就均廳別下庫割報事公
奏曰所謂營舍非守廳之私物 朝家旣已割

於均廳則均廳元無給價之義而年前判尹爲公廨
稟給五百兩此已過矣而重臣之今又欲加得誠是
意外設或加得以半萬爲言尤爲過當別下庫與元
庫無異同亦不當分二而看重臣方爲僚堂而爲此
言者豈不慨然乎 上曰劃給三千兩

辛巳秋公

右相

奏曰掌令申泚所懷中盛論軍官冒

屬之弊仍請其一并查汰自 上有選武軍官事問
于大臣處之之 教矣選武軍官本以中庶充額都
試賜第以爲收拾人才之道矣如以軍保子枝苟充
則當加定軍額何必創置軍官之名乎果如臺臣所

奏則事極駭然令各道道臣嚴飭列邑一依啓下事
目舉行如有猥雜苟充之事則當該守令狀聞論勘
以爲懲罪防弊之地爲好矣 上可之

秋公

右相

奏曰頃因掌令申泚所懷還穀全耗會錄

嚴防事各邑軍元額外一並查汰事後日次對有持
奏之 命矣耗穀事日前惠堂同入時已爲稟處軍
額事良役實摠既有頒下均役事目至爲嚴重則元
額外何敢有加定者一疋外亦何敢有加捧之理乎
令道臣嚴飭守令各別查實而如有犯者則狀聞請
罪或有置而不論之舉則當該道臣難免重責以此

分付似好矣 上曰可

壬午夏公左相時奏曰今以囚供觀之作紙木代折錢

雖曰一依續典而均役事目嚴於續典何可捨此而

從彼乎此後勿論作紙木與他色木凡木一疋代錢

二兩一依均廳事目施行毋得任意加減事嚴加申

飭於京外各衙門好矣 上曰可

夏惠堂韓翼暮奏曰北伯趙明鼎以船稅事有報本

廳者矣頃日御史之丈量船隻只就其中大小不均

者而釐正而已北道船稅自有定規而但釐正之餘

不無疑眩者有此所報收稅之道宜有指一分付者

矣 上曰大臣之意何如公左相時對曰尺量雖若均

平北船異於南船不可因其稍有長短之別而猝改

舊規反生疑眩之患仍前施行似好矣 上曰可

秋均堂金致仁奏曰湖西伯狀啓中均廳所管結錢

漁鹽稅之不可移用於賑資事 下詢大臣何如公

左相時奏曰非不知均廳錢貨之不可犯手而將為計

數還報則異於無端移用况湖西民事萬分遑急故

頃因方伯所請以依施覆奏矣今者該堂以無前例

有後弊如是爭難臣亦知其所執之固然而此若不

許湖西將狼狽矣致仁曰均廳之設立法甚嚴不得

推移犯用今已十餘年而賑民國之大事本道無他
穀物可以接濟雖均廳之錢顧何靳惜而本道所在
營賑備荒等穀其數夥然何可捨此而徑先犯用均
廳之物乎一開移用之路後弊有不可勝言矣公曰
當初既欲以他條還報本道則不失元數好矣然則
當議於首相更稟矣 上曰重臣所奏是矣結錢漁
鹽稅則置之其代從他區劃於該道可也致仁曰湖
西公需位衙祿條米其實大同也此亦入於今番許
施中而前未有大同劃給之例獨於辛壬年分劃三
南大同米而以他道米穀先報惠廳後取用於賑資

今亦依此例許施似宜矣公曰臣之頃日覆奏辭意
已許其給代此則雖無該堂之更請自當區劃矣
上曰惠廳近亦蕩然可悶矣依所達卽先區劃其代
於惠廳可也公曰臣於均廳事便同臣私事居常耿
耿李成中在時以爲得人今則彼重臣可謂得人矣
上曰此亦舉職也

秋領相申晚奏曰均廳作米在嶺南者道臣報請而
不可自下擅許矣公左相奏曰作米本數則五萬石
而并耗爲六萬餘石矣當此災年以均廳價發賣則
窮民之蒙惠大矣稍待豐年以其價還爲作米則惠

又歸於民此誠均廳不費之惠而聞主管堂上之言以事目之有違元數之將減為難此亦有所執惟在自 上深量處分矣 上曰姑許一萬一千石可也

冬公

左相時

奏曰均役以後國內民人之身役以錢則

二兩以木則一疋以米則六斗乃加減不得之法而今聞忠勳府忠翊衛所納過於定式云事極驚駭當該堂上所當現告論罪而時任堂上新差屬耳其前今無可論論罪一欵置之此後一依均廳事目施行之意分付似好矣 上曰可

癸未春公

左相時

奏曰均廳之法近漸解弛雖以漁箭

事言之當初罷諸宮房各衙門所折受處而一并屬之該廳故宮房與衙門雖或有他事冒禁者而至於漁箭則不敢更為生心蓋由於 聖上立法之嚴也宮房衙門既已革罷則其餘尤無可論而近聞各處漁箭或有勢士夫及武斷土豪稱以自已之物公然收稅於結箭之民云此而不禁則不但令甲之不行各處折受又將次次開路豈不萬萬寒心乎其在防微杜漸之道不可不嚴查重繩矣 上曰自均廳分付本道嚴查啓聞

春領相申晚奏曰北道船隻自昨冬連載移轉穀全

失春間漁採之利且自北關移運南關之際亦無船價磨鍊之例事甚可矜合有軫恤之道移轉穀所載船隻今春漁稅特命減給則誠為莫大之惠政矣公

左相

奏曰北路船價本無

國家使民之道豈可使

其船而無其價乎臣意則量其遠近計給船價至於船稅則依例捧納好矣 上曰既使之船減其春稅交濟船外依此例舉行

秋統制使鄭汝稷奏曰統營近甚凋弊留庫錢散債民間取殖補用以一營公用之需藉民間取利之物非但事面苟且甚至債上卸債傍近軍民舉皆蕩敗

目今經費不敷之時雖不以白給仰請而本營耗米之散在嶺南各邑者每年二千石移納均廳均廳納稅錢之自嶺南來者一萬兩式逐年劃給以補應用而勿為給債則可紓軍民之弊 下詢大臣何如

公

領相

奏曰前訓將具善行在統營時屢次馳啓均

廳錢一萬兩特為劃給俾作本營所用嚴防許多債弊矣旋因靈城君朴文秀所奏均錢既還寢則債弊如前矣今此帥臣所請便是相換異於白給待後日他大臣與該堂入侍廣詢爛商而處之好矣 上曰卿詳於本廳事即為稟決可也公曰統營米不專在

於嶺南亦散在於兩湖勿論某道依數移屬仍為糶
糶則均廳似無所害僚相與該堂亦以為無妨云而
但以錢計米米似不足此或為該廳持難之端矣
上曰何可計較乎此是當初劃給與別請有異特為
許施可也公曰今此特許實出於軫念海防軍民之
聖意帥臣下去後公用區處明白定式舊債之難捧
者區別蕩滌新債之為弊者消詳嚴防以為永久蒙
惠之地事一體申飭好矣 上從之

冬公

領相時

奏曰均役廳設置之時凡係身布上納既
皆減半則所謂人情浮負亦隨以減半故前後定式

不啻嚴明而日月稍久之如初畢竟弊端歸於小
民已極寒心且田稅大同捧上之際浮費逐歲增加
云亦極駭然內而當該郎廳外而各邑守令若惕念
奉公豈至於此乎自今以後一遵前規施行如或過
濫以致民弊則隨現重勘事為先嚴飭京外似好矣
上可之

乙酉春常參時惠郎李徽之奏曰均廳一年稅入以
常年論之錢則給代似為有餘而米則無出處大臣
與堂上相議拮据或移納貢米推移繼用而當此各
處穀物苟艱之時亦難推移臣與堂上曾有相議或

言以均廳移納價使兩南監營限一二萬石每年定式買送似好云而臣亦未知其便否之如何矣公

領相

時奏曰本廳許多米條誠若無出處而若逢稍豐之歲移納之數亦不患其不足今則以荐歉之故雖甚苟艱前頭未必一向如此則至於買米一欵雖或有賑廳副急之前規而不過隨時方便之事不可自均廳定法買取以致弊端矣 上曰似有弊端自本廳依前規舉行均郎趙載萬奏曰選武喪頃漁鹽船稅頃案逐年增加錢邊比前漸縮自本廳新為嚴飭而列邑所報或不無虛實之慮若自各道監營每

於上納時都成冊另加之上送則似無濫頃之弊矣公曰臣主管本廳時選武軍官喪頃修定假額而申飭故頗有防奸之效今亦以此規式行之好矣漁鹽船案自監營查實似為操切之道而行法已久粹難改規矣 上曰依前規舉行申飭各邑可也均郎李聖模奏曰選武軍官當初以上方不足下比有餘非兩班非常漢之類充定又為設科以開其進身之路而科舉則稀闊身布則逐年徵捧故百般謀避必欲付兩班之邊以致本役或歸殘民誠為弊端然既是定法不必更為變通一番申飭以防其厭避之習

登科數少難副其望或以他條差出別將之屬每道作數三窠則或除其謀避之弊矣公曰選武軍官以有班名軍保可惜之類充額事定式而法久漸弛自多奸弊下比有餘者不欲入上方不足者亦不欲入出入無常紛紜莫甚云今不必別爲立法申飭諸道依前定式舉行如有當入而不入不當入而入者則當該守令抽柱查實後繩以重律以爲勵他懲後之道好矣 上曰可

秋楊州牧使韓光肇奏曰本州戶役不均民皆避役諸上司山直柴場直名二免役至於軍保則既係

上營臣不敢仰達矣公曰既關民逸自上下詢之時不必拘於此矣光肇曰本州軍政之難通八路爲最而選武軍官數至二百伊時分排似未及照管而然矣湖西選武既因特教減數則似有一視之道矣公曰當初選武軍官分排定額時畿內已似過多况本州雖曰本道之大邑乃京城至近之地所宜優恤而乃反尤多誠爲可念矣然元數不可隨時減損就他道額數稍少處從便移額恐似得宜而無端移送亦安知不爲難便乎 上曰楊州選武誠多矣自廟堂從長稟處可也

御定洪翼靖公奏藁卷二十六

二十六

